



# RAFMENNT

## ÁRSSKÝRSLA STJÓRNAR

2025

### INNIHALD

Starfsemi Rafmenntar ehf

Pór Pálsson

Framkvæmdastjóri/skólameistari

## Efnisyfirlit

Stjórn .....	2
Starfsmenn .....	2
Námskeið .....	2
Bransadagur .....	3
Fagbréf.....	4
Áttin .....	4
Öryggismál.....	4
Öryggisskóli iðnaðarins.....	4
Nemastofa .....	4
Sveinspróf.....	5
Viðurkenningar starfsréttinda .....	6
Raunfærnimat .....	6
Framhaldsskóli Rafmenntar.....	6
Síðsumarsráðstefna .....	7
Kynningarmál.....	7
Stuðningur við nema í grunnnámi.....	7
Starfsmenn .....	8

## Starfsár Rafmenntar ehf 2025

### Stjórn

Stjórn Rafmenntar ehf fram að aðalfundi félagsins 14. maí 2025 var þannig skipuð; Andri Jóhannesson (RSÍ), Helgi Rafnsson (SART), Hjörleifur Stefánsson (SART) formaður, Kristján Þórður Snæbjarnarson (RSÍ) varaformaður, Margrét Halldóra Arnarsdóttir (RSÍ), Pétur Hákon Halldórsson (SART) Ragnar G. Gunnarsson (RSÍ) og Hjörtur Árnason (SART). Varamenn í stjórn eru Andri Rey Haraldsson (RSÍ) og Kristján D. Sigurbergsson (SART).

Á aðalfundi gengu úr stjórn; Helgi Rafnsson (SART) og Kristján Þórður Snæbjarnarson (RSÍ)

Stjórn Rafmenntar frá 15. maí 2025 er þannig skipuð; Andri Jóhannesson (RSÍ), Róbert Jensson (SART), Hjörleifur Stefánsson (SART), Jakob Tryggvason (RSÍ) formaður, Margrét Halldóra Arnarsdóttir (RSÍ), Pétur Hákon Halldórsson (SART) varaformaður, Ragnar G. Gunnarsson (RSÍ) og Hjörtur Árnason (SART). Varamenn í stjórn eru Andri Rey Haraldsson (RSÍ) og Kristján D. Sigurbergsson (SART).

Stjórnin hélt 11 fundi á starfsárinu.

### Starfsmenn

Auk fastráðinna starfsmanna, komu 43 utanaðkomandi kennarar/leiðbeinendur að kennslu meistaraskóla og á námskeiðum á árinu 2025. Einnig komu 12 aðilar að raunfærnimati. eru þetta sem fyrr aðilar sem ýmist starfa sem kennarar við verkmenntaskóla eða sérfræðingar, hver á sínu sviði sem tæknifræðingar/verkfræðingar/iðnfræðingar, á verkfræðistofum eða sjálfstætt starfandi.

Nú sem fyrr er það skoðun þeirra sem koma að stjórn Rafmenntar, að fá sem hæfustu einstaklinga úr atvinnulífinu til að sinna kennslu/leiðsögn á námskeiðum og þeim verkefnum sem þurfa sérfræðiþekkingu. Það er það form sem gagnast fræðslunni best enda er þá um að ræða einstaklinga sem eru að fást við nýjustu tækni og búnað hverju sinni.

### Námskeið

Mikilvægi endurmenntunar er alltaf að aukast vegna sífelldrar þróunar í tækni og búnaði sem félagsmenn okkar eru að glíma við alla daga. Það ætti að ýta á að þeir leiti sér stuðnings til að geta tekist á við tækniþróunina. Leitað er leiða til að auka virkni félagsmanna í því að leita sér endurmenntunar.

Aukin vakning er innan fyrirtækja um menntun starfsmanna til dæmis með aukinni þátttöku í verkefnum fræðslustjóri að láni gegnum vef Áttarinnar.

Á árinu voru kenndir 71 hópar af áföngum í meistaraskóla. Aðsókn í nám í meistaraskóla jókst frá fyrra ári. Á súluriti sést þróun í nemendafjölda og fjölda hópa frá árinu 2021.

Á árinu voru 65 nemendur með fleiri en 9 einingar á önn sem fækkun frá fyrra ári.



Sjá má á næstu töflu, að fjölgun var á útskrifuðum úr meistaraskóla frá fyrra ári.

Árið 2025 gaf HMS út eftirfarandi fjölda nýrra („rafmagnsöryggis“) löggildinga:

B-löggilding: 49

A-löggilding: 5


CA-löggilding: 1

CB-löggilding: 1

Sami aðili sem fékk CA og CB löggildingu.

Nemendur í meistaraskóla og útskrifaðir					
	2021	2022	2023	2024	2025
Nemendur	45	54	67	77	65
Útskriftir	48	46	46	52	59
Löggildingar	30	53	48	49	56

Töluverð fjölgun var í þátttöku á námskeiðum milli ára. Starfsmenn Rafmenntar eru stöðugt að skoða nýja möguleika á námskeiðum og leitast við að svara þörfum fyrirtækja með námskeiðahald. Fylgst er með spjallsíðum þar sem umræða fer fram og ef hún fer að snúnast um menntun eða tækni eru möguleikar skoðaðir svo dæmi sé tekið. Á heimasíðunni er einnig hnappur þar sem gestir síðunnar eru beðnir um að koma með ábendingar að nýjum námskeiðum eða fyrirlestrum. Námskeiðin geta verið um nýjungar sem eru að koma á markað og geta verið haldin einu sinni eða reglulega meðan eftirspurn er eftir þeirri þekkingu sem þar er kennd.



Áfram er stefnan að auka framboð endurmenntunarnámskeiða og kynninga hjá Rafmennt í samstarfi við fyrirtæki þar sem félagsmenn starfa. Áherslan er að þeir geti sótt sér endurmenntun á styttri námskeiðum þar sem einstaka nýjungar eru í aðalhlutverki. Leitað var til birgja og þjónustuaðila og þeim boðið að halda fyrirlestur og/eða námskeið hjá Rafmennt um nýjungar á þeirra sviði.

Auk þess að sækja námskeið hjá Rafmennt gefst félagsmönnum tækifæri á að sækja sér námskeið annarsstaðar og fá styrk upp í kostnað. Upphæð styrkja er endurskoðuð árlega. Eftir að einstaklingsstyrkir voru hækkaðir jókst aðsókn í styrkina. Ásamt því að þeir voru hækkaðir voru styrkjareglur einfaldaðar. Nánari upplýsingar um styrki eru á heimasíðu Rafmenntar undir styrkir, en einnig eru upplýsingar á „mínum síðum“ á vef RSÍ.

## Bransadagur

Bransadagurinn 2025 var haldinn í annað sinn þann 6. janúar en yfir 300 gestir sóttu viðburðinn. Á dagskránni voru 25 fyrirlestrar frá innlendum og erlendum sérfræðingum auk sýningarsvæðis þar sem bakhjarlar dagsins kynntu vörur og þjónustu sína. Á deginum fóru meðal annars fram panelumræður þar sem þátttakendur frá Rafmennt, Iðunni, Vinnueftirlitinu og Örugger Verkfræðistofu reifuðu stöðu öryggis í viðburðaiðnaðinum og hvaða skref yrði að stíga á næstu árum. Viðbrögð þátttakenda á deginum voru afar jákvæð og var það álit bæði gesta og þeirra sem að viðburðinum komu að Bransadagurinn sé búinn að festa sig í sessi sem árlegur viðburður í dagatölum fagfólks.



## Fagbréf

Starf við þróun fagbréfa hélt áfram á árinu. Ráðin var inn starfsmaður til að leiða þá vinnu og samhliða því var unnið að því að markaðssetja fagbréfin innan fyrirtækja sem hafa starfsmenn í þeim greinum sem eru tilbúin.

## Áttin

Áttin er vefgátt, sem greiðir leið fyrirtækja að umsóknum, í starfsmenntasjóði og fræðslustofnanir. Áttin er sameiginlegt verkefni atvinnurekenda og launafólks á almennum vinnumarkaði. Í gegnum hana koma umsóknir frá fyrirtækjum vegna endurmenntunar starfsmanna. Einn liður í þessu ferli er Fræðslustjóri að láni. Það verkefni byggist á að lána mannauðsráðgjafa til fyrirtækja, sérhæfðum í vinnustaðfræðslu og óformlegri menntun. Ráðgjafinn fer yfir fræðslu- og þjálfunarmál fyrirtækisins, dregur fram það sem vel er gert, gerir eða dýpkar greiningu á þörfum fyrirtækisins og samhæfir við önnur námskeið eða viðurkenndar fræðsluleiðir innan óformlega fræðslukerfisins. Í gegnum þetta ferli hefur Rafmennt komið að ýmsu námskeiðahaldi fyrir fyrirtæki og lagt áherslu á að fræðslustjóri kynni námsframboðið fyrir starfsmönnum þeirra fyrirtækjanna sem fara í þetta verkefni. Í Áttina bárust 201 umsókn árið 2025 frá 87 fyrirtækjum sem greiða af sínum starfsmönnum í Menntasjóð rafiðnaðarins. Er það aukning frá fyrra ári sem er í takt við áhuga fyrirtækja á menntun starfsmanna.

## Öryggismál

Öyggisapp Rafmenntar, Rafmennt öryggi, er aðgengilegt frítt fyrir android og ios farsíma. Appið hefur náð töluverðri útbreiðslu og hafa nokkrir kennarar tekið það inn í sína kennslu í framhaldsskólum. Stýring á spurningum og ítarefni er nú í höndum starfsmanna Rafmenntar sem einfaldar allt eftirlit og uppfærslu á appinu. Notendur appssins eru hvattir til að senda inn ábendingar í gegnum ábendingahnapp í appinu.

## Öryggisskóli iðnaðarins

Öryggisskóli iðnaðarins tók til starfa á árinu í jafnri eigu Rafmenntar og Iðunnar. Ráðin var leiðtogi til verksins. Töluverður tími hefur farið í skipulag skólans og setja niður áhersluatriði í námsframboði. Farið var í heimsóknir erlendis í sambærilega skóla til að kynnast hugmyndafræði þeirra. Nokkur tími fór í að athuga um hentuga staðsetningu og húsnæði. Fyrstu námskeiðin voru haldin í haust þar sem stjórnendum fyrirtækja var boðin þátttaka til að rýna með okkur þá nálgun og hugmyndafræði sem Öryggisskólinn mun leggja áherslu á. Það er trú okkar sem standa að Öryggisskólanum að starfsemin komst á nokkurt skrið á næsta ári. Nánari upplýsingar er að finna í ársskýrslu Öryggisskólans.

## Nemastofa

Í takt við tilgang og markmið félagsins voru verkefni ársins að stuðla að fjölgun faglærðs fólks í atvinnulífi og fjölga fyrirtækjum sem bjóða iðnnemum vinnustaðanám. Kynna nám og störf í iðngreinum, kynna notkun og skráningu í ferilbók og taka saman upplýsingar um menntatölfræði í iðnnámi.

Nemastofa skráði samtals 243 fyrirtæki í umsóknargátt Miðstöðvar menntunar og skólalábjónustu á árinu eða sem nemur um 90% af nýskráðum fyrirtækjum á lista fyrirtækja sem bjóða vinnustaðanám. Nemastofa hélt samtals 23 kynningar-, fræðslufundi og námskeið á árinu. Þátttakendur voru samtals 243. Á árinu veitti Nemastofa þremur fyrirtækjum viðurkenningu fyrir góðan árangur í þjálfun og kennslu iðnnema.



Fyrirmyndarfyrirtæki Nemastofu atvinnulífsins árið 2025 voru fyrirtækin Brimborg, Kjarnafæði-Norðlenska og Securitas.

Samtals voru 705 fyrirtæki með nema í vinnustaðanámum á haustönn 2025 og samtals luku 980 iðnnemar sveinsprófi sem er fjölmennasti hópur nýsveina sem hefur lokið námi hér á landi. Í rafiðngreinum luku samtals 296 sveinsprófi á árinu 2025.


Vefurinn nám og störf sem Nemastofa hefur rekið var lagður niður á árinu 2025 þegar hann var sameinaður vefnum [www.naestaskref.is](http://www.naestaskref.is). Við það færðist verkefnið yfir til Miðstöðvar menntunar- og skólalábjónustu.

Iðan fræðslusetur og Rafmennt fjármagna rekstur Nemastofu atvinnulífsins. Á árinu var gerður þriggja ára samstarfssamningur við mennta- og barnamálaráðuneytið um verkefni sem miða að því að fjölga konum í karllægum iðngreinum og styðja við vinnustaðanám í iðngreinum. Samtals upphæð á ári kr. 4 milljónir.

## Sveinspróf

Sveinspróf í rafvirkjun voru haldin í febrúar, júní og október. Á árinu þreyttu 429 einstaklingar sveinspróf sem er töluverð fjölgun frá fyrra ári. Þessi stöðuga fjölgun próftaka undanfarin ár er mög jákvæð fyrir rafiðnaðinn. En segja má að stöðug fjölgun hafi verið frá 2015. Hér til hliðar má sjá þróun á fjölda próftaka í sveinsprófi í rafvirkjun frá 2020.

Auk prófa í rafvirkjun voru 14 einstaklingar sem þreyttu próf í rafveituvirkjun og tveir í rafvélavirkjun. Öll fengu þau sveinsbréf afhent á árinu. Sveinspróf í rafeindavirkjun var haldið í maí og desember. Prófið er sett saman úr lokaprófum áfanga á 6. og 7. önn. Lokaprófin eru unnin í samvinnu sveinsprófsnefndar og kennara í TS og VMA. 34 nemendur luku sveinsprófi á árinu.





Afhending sveinsbréfa í september 2025.

Í sveinsbréfaafhendingunni í september var stærsti hópur kvenna sem hefur fengið afhent sveinsbréf að loknu einu prófi eða ellefu. Hér til hliðar má sjá hluta hópsins.



## Viðurkenningar starfsréttinda

Viðurkenningar á erlendum starfsréttindum 2025 voru 42 á móti 46 umsóknum á árinu 2024. Landskrifstofa EncNaric sér nú um umsóknir og sendir áfram til Rafmenntar til umsagnar þegar öll gögn hafa borist. Þetta er til mikils hægðarauka fyrir afgreiðslu Rafmenntar á umsóknum.

## Raunfærnimat

Ákveðinn stöðugleiki virðist vera að koma á fjölda þátttakenda í raunfærnimati. Á árinu 2025 luku 40 raunfærnimati í rafvirkjun. Þessir einstaklingar hafa allir starfað lengur en þrjú ár í faginu og eru eldri en 24 ára. Gera þarf átak í eftirfylgni með þeim aðilum sem fara í gegnum raunfærnimat. Þessum einstaklingum er bent á námsmöguleika í rafvirkjun hjá Rafmennt.

## Framhaldsskóli Rafmenntar

Miklar sviftingar urðu á árinu við það að Rafmennt keypti þrotabú Kvikmyndaskóla Íslands.

Rafmennt tók til sín allan tækjabúnað og nemendur KVÍ um miðjan apríl. Í framhaldinu var gert samkomulag við Síryland um aðstoðu og aðstoð við kennslu sem hófst í Vatnagörðum 5. apríl. Með því tókst að bjarga námi allra nemenda og útskrift þeirra nemenda sem voru á lokaönn. Útskrift fór svo fram 7. júní sem var viku seinkun frá upphaflegu tímaplani, sem verður að segjast að hafi verið afrek bæði hjá kennurum og nemendum sem lentu í þessu óvissuástandi.

Samningar tókust svo við mennta- og barnamálaráðuneyti til fjármögnunar námsins til eins árs. Á skólaárinu 2025-2026 voru 62 nemendur í námi við skólann.

Ákveðið var að fara í breytingar á húsnæðinu í Vatnagörðum þar sem 200 þúsund naglbítar voru að skoða húsnæðið sem fjárfestingu. Í byrjun september hófs kennsla í húsnæðinu sem tæplega var orðið hæft til kennslu en með góðri samvinnu verktaka, kennara og nemenda var vinnu við lagfæringar haldið áfram samhliða kennslunni. Um áramót var svo fenginn til verksins byggingastjóri sem stýrir verkefninu til loka.

### Menntun eldri nemenda

Haldið var áfram á árinu með kennslu eldri nemenda og er áhugi að aukast að fá aðgang að þessari leið.

Lagt verður upp úr því við nemendur að taka minna fyrir í einu í upphafi svo þeir átti sig á vinnuframlagi sem þeir þurfa að sinna. Frá og með hausti 2025 stunduðu 25 einstaklingar nám í rafvirkjun.

### Síðsumarsráðstefna

Eins og undanfarin ár heldur Rafmennt síðsumarsráðstefnu í samvinnu við félag kennara í rafiðngreinum. Þessi ráðstefna hefur gefist vel og ánægja innan kennarahópsins með hana. Dagskrá ráðstefnunnar var að vanda fjölbreytt þar sem blandað er saman kynningum, fræðslu og skemmtun. Að þessu sinni voru kynningar á niðurstöðum sveinsprófa, athugasemdir og úrbætur frá HMS, sambland af uppistandi og jákvæðri sálfræði, kynning á Vaðölduveri Landsvirkjunar og að lokum umræður um spennuvirki og tengingar Landsnets.

### Kynningarmál

Rafmennt hefur verið þátttakandi á ýmsum viðburðum þar sem verið er að kynna nám fyrir ungu fólki.

Á árinu var Rafmennt með kynningarbás á Bransadegi, á UT-Messunni og Íslandsmóti iðn- og verkgreina (Mín framtíð)



### Stuðningur við nema í grunnnámi

Eins og á seinasta ári hafa nemendur í grunnnámi fengið afhentar vinnubuxur. Nemendur hafa verið afskaplega þakklátir fyrir þessa gjöf og fengu 290 nemendur afhentar buxur á árinu.



## Starfsmenn

Starfsmenn Rafmenntar í lok árs 2025 voru:

- Alma Sif Kristjánsdóttir, verkefnastjóri ráðgjafa og raunfærnimats
- Elísa Hildur Einarsdóttir, verkefnastjóri markaðs- og kynningarmála
- Fannar Freyr Jónsson, tæknistjóri
- Guðmundur S. Jónsson, verkefnastjóri sterkstraums og sveinsprófa
- Hafdís Reinaldsdóttir, skrifstofustjóri
- Ingi Bekk Jóhannesson, verkefnastjóri miðlunar, tækni og skapandi greina
- Ingi Rafn Ólafsson, verkefnastjóri fagbréfa
- Ómar Rósenberg Erlingsson, verkefnastjóri sterkstraums og meistaraskóla
- Rúnar Sigurður Sigurjónsson, verkefnastjóri veikstraums
- Þór Pálsson, framkvæmdastjóri
- Þórdís Bergmundsdóttir, bókarí